




诗

吟

周
玉
素

著

狂

江苏工业学院图书馆
藏书章

吟

周
国
平
著

成都时代出版社

图书在版编目(CIP)数据

狂诗吟/周国志编著. —成都: 成都时代出版社,
2008.5

ISBN 978 - 7 - 80705 - 774 - 1

I. 狂… II. 周 III. 古体诗—作品集—中国—当代
IV. I227

中国版本图书馆 CIP 数据核字(2008)第 049440 号

狂 诗 吟

KUANGSHI YIN

周国志 著

出 品 人 秦 明
特约编辑 张洪兴
责任编辑 曾绍东
责任校对 陈德玉
装帧设计 符 蓉
责任印制 陈晓蓉

出版发行 成都传媒集团·成都时代出版社
电 话 (028)86619530(编辑部)
 (028)86615250(发行部)
网 址 www.chengdusd.com
印 刷 成都蜀雅印务有限公司
制 版 成都市标点制版印务中心
规 格 152mm×230mm 1/16
印 张 12
字 数 110 千
印 数 1—4000 册
版 次 2008 年 4 月第 1 版
印 次 2008 年 4 月第 1 次印刷
书 号 ISBN 978 - 7 - 80705 - 774 - 1
定 价 32.00 元

著作权所有,违者必究。举报电话:(028)86697083

本书若出现印装质量问题,请与工厂联系。电话:(028)85600628



灵魂本难裸，况又冠裳裹，
世人徒貌相，谁真认识我。

寓意诗（代序）

太息骚坛沉寂久，猛听西南狮怒吼。
意匠心兵布阵奇，狂怪直泻江涛走。
又若惊奔万马临，蹄声踏地地犹抖。
霓霞凝聚日月光，荡漾宇宙逼星斗。
此际方现先生形，无冠无冕无锦绶。
非佛非道亦非儒，五短身躯面黑黝。
布囊仅见数册书，长卷铺天笔如帚。
含笑不言挥丽句，乱撒飞花拂杨柳。
墨汁横空泼淋漓，响韵琤琮势来陡。
忽而为喜忽悲伤，令人瞠目舌钳口。
先作翻新变调吟，龙蛇交错丝弦纽。
继为急咏复清啸，箫笛和鸣击鼓缶。
长篇短制各相宜，铭心刻骨魂难守。
慧辞妙谕胜良师，哲言警策过益友。
平生自恨郁塞多，对此堪倾百壶酒。
复视侧畔同观者，有似倾心有摇首。
试把先生较古人，瘦岛寒郊直鸡狗。
苏黄若遇定扣心，李杜遭逢徒敛手。
此外遑与论他人，如让昆仑比培塿。
况今文苑荆棘深，置之当代谁能偶。
遍把诗词问古今，如此英才世少有。
我歌我读我徘徊，岂任宵小为诋丑。
天公终遣斯人出，万岁千秋诚不朽。
读罢欢欣思绪灵，也拟仿效来运肘。
转觉孤灯半不明，始悟晨辉穿户牖。

目 录

寓意诗（代序）	（1）
七律 115 首	（1）
七绝 96 首	（40）
五律 24 首	（65）
五绝 32 首	（74）
五古 19 首	（83）
七古 10 首	（103）
词选 90 首	（112）
散曲选 6 首	（145）
新诗选 7 首	（149）
诗联对联选 42 副	（161）
诗话选 28 则	（168）
后 记	（183）

七 律

狂诗一束

一

天意茫茫也费猜，千年诗史欠奇才。
自从李杜声名巨，纵使苏黄亦做陪。
前代遗篇堆古董，后人诸作等童孩。
岂甘大雅垂荒废，重振雄风看我来。

二

李杜虽为世所尊，凡胎肉体亦非神。
爱文岂可无超越，好古当然有继存。
已向群书搜典范，别开新面扫灰尘。
诗坛莫让成荒秽，再立撑天一巨人。

狂

诗

吟

三

自古文辞画梦乡，借他聊以慰愁肠。
无才岂可充名士，有种何妨傲帝王。
屈服懦如绳系马，驯良蠢类案屠羊。
叹人活得冤和累，纵作诗词不敢狂。

四

诗坛震动要能人，奋笔何曾信鬼神。
早把艰难当助力，更将荣辱视浮尘。
心存道法原无相，岁尽寒冬会有春。
万岫千峰嫌矮小，劈开云雾显昆仑。

五

重担伸肩敢独扛，佳词妙造竞光芒。
笔冲文阵无双勇，气扫诗坛第一狂。
异想奇思超李杜，雄篇伟句压苏黄。
不甘顺史嵌名姓，大雅千秋要做王。

狂

诗

吟

六

毕生精力未容荒，文字犹堪作战场。
世拥荒唐能不辨，人无胆识敢呈狂。
诗扛李杜神情逸，词敌苏辛气势昂。
诗圣诗仙名已占，当然只合做诗王。

七

浩然正气自堂堂，责任于身未肯忘。
良骥奋蹄存远志，雄鹰展翅竞高翔。
妙辞盈卷非为妄，才识横胸岂是狂。
不信请翻千载史，有谁敢说做诗王。

八

自由辽阔马无缰，万缕霞光涌太阳。
立地高歌风浩浩，仰天长啸意茫茫。
尽倾肝胆情怀壮，独耸头颅气势昂。
屈指古今骚雅士，谁堪敌我傲和狂。

狂

诗

吟

题斋壁

未逢时势展宏图，耻与乡邻互龃龉。
拔剑狂歌能怎样，吟诗作赋又何如。
已栽清逸半园竹，得养幽闲满架书。
我亦抱才高处卧，有谁三顾到茅庐。

登高

咏古吟今实壮哉，乾坤在眼独登台。
长途漫漫思良骥，大雅悠悠盼斗魁。
旷宇遥飞孤鸟去，狂流终绕万山来。
天风亦厌骚坛寂，为扫阴云接霸才。

呈诗词学会诸公

地冻天寒会有春，雄才孰让久沉沦。
搜经析典为求道，驳鬼斥妖岂信神。
走走停停成白首，清清楚楚看红尘。
我来迟到休轻慢，谁是诗坛第一人。

题 壁

才气超人信有余，挥毫壁上爱留题。
 昂头坐岭常观鸟，袖手临江不羡鱼。
 赌典酒倾孔北海，携篮菊采马东篱。
 超然行世如庄子，惠子之流勿遣疑。

赤壁游

大江横贯望迷茫，失意人生易感伤。
 问尔谁优和孰劣，知他孰弱又谁强。
 疏杨堤下渔舟过，密荻丛边水鸟翔。
 指点山川思运数，闲登赤壁羨周郎。

过草原

独立冈头望眼舒，草原千里意何如。
 驱羊放马牧当业，近水依洼帐结庐。
 大地为毡花朵绣，长天作纸雁行书。
 古来无限伤心史，换取阴山入版图。

狂

诗

吟

叹新诗

文化堪忧若跳崖，语言异化已成灾。
窥园落落无花朵，引路偏偏欠斗魁。
荒谬信难承史载，简单多易误童孩。
岂容伪劣欺天下，看我真诗入世来。

再笑李 × ×

叹息时风也怪哉，奖金虽摆盼谁来。
别开蹊径先无胆，欲冒诗文未具才。
赤膊骂街遮怯懦，粉头装戏欠诙谐。
笑他丑类徒狂吠，不敢争锋上擂台。

杂 兴

虚名浮利转头空，谁肯追求事业崇。
每纵狂心思宇宙，常抬傲眼视苍穹。
莫将凡鸟当成凤，勿把真龙看做虫。
埋没风尘知有尽，他年要你识英雄。

杂 兴

废寝忘餐各在忙，岂容沉醉闹歌场。
千年文化休轻弃，历代英贤未可忘。
振世惊人需杰士，擂台竞艺显诗王。
雄篇伟句争天下，谁有先生气势昂。

杂 兴

挥笔临笺即见春，奇篇伟句显精神。
寻幽探隐传情远，扬善存真用意纯。
浅井岂能窥大海，小丘何可比昆仑。
骚坛敢以诗王号，万古千秋只一人。

杂 兴

李杜苏黄各占强，赋诗须拥百家长。
岂能学舌如鹦鹉，宜作高翔竞凤凰。
借笔抒怀呈壮志，登台举酒纵豪狂。
要他千古知名姓，不枉人间走一场。

狂

诗

吟

杂 兴

心魂怯懦欠安详，尽日无端恐且惶。
鸡叫乍听惊似鼓，狗形初见怕如狼。
杨花乱落狂穿户，邻笋斜生敢破墙。
世事欺人多类此，暂持杯酒醉相忘。

杂 兴

志大心雄傲祖宗，未曾随俗陷昏庸。
奇思引梦山河壮，妙笔生花气象浓。
鸡栅岂能留彩凤，鸭池何以卧蛟龙。
笑他最是诗坛窄，如此篇章竟不容。

杂 兴

报纸荧屏各竞春，而今何事不新闻。
流行每见翻花样，传统焉曾限鬼神。
一曲情歌成杰士，几篇白话算诗人。
街头妇女添姿态，画了眉毛又嘴唇。

狂

诗

吟

杂 兴

惨淡风云日月昏，忍将泪眼瞪乾坤。
万般忧愤情难堵，百种牢骚腹枉扞。
孰谓世间皆逐利，谁云人死不留痕。
笔端诗句胸中意，化作惊涛赴海门。

杂 兴

寓意深长在笔端，穿云出雾现峰峦。
枕天席地留宵卧，嚼日吞星当早餐。
胆壮未劳施武技，情高早已蔑文坛。
诗中大有英雄气，莫作狂生一例看。

杂 兴

世事纷繁总万端，平和相处竟何难。
孰将待物心同待，谁把观人眼自观。
但喜新来忙弃旧，忽愁初起顿忘欢。
笑他暂堵车中客，犹恼街头路不宽。

狂

诗

吟

杂 兴

听歌爱舞病难医，世俗民风叹转移。
超女球星添热闹，散文小说弄分歧。
漫多谎话将心倦，未少歪诗让眼疲。
纵我狂言超李杜，分明已不当稀奇。

杂 兴

才成两句不成诗，搁笔南窗又一时。
蚁集槐根炫大国，蝉鸣梧叶抱高枝。
意随檐侧云踪远，目滞庭中日影迟。
天地无私形万物，恍然若悟复沉思。

杂 兴

再临唐宋觅行踪，大雅谁云路已穷。
世有新辞嗤晦涩，集无佳境笑朦胧。
文坛浪费千年墨，名士风流几日红。
下笔莫嫌诗胆大，要同李杜竞雌雄。

杂 兴

商品沿街摆战场，而今书史快收藏。
画珍裸女形神荡，字重行蟹体态洋。
文化早离诗赋远，世人皆为足球狂。
歌星模特俱偶像，杜甫真该让草堂。

杂 兴

环球万国孰为中，叹息图腾爱说龙。
能武能文频变化，兴云兴雨善通融。
百年苦难皆缘旧，万恶根源半属穷。
生死迄今人亿兆，致民长富即英雄。

杂 兴

野草闲花几度春，千山万水过来人。
渐趋老境诗能朴，已淡名心语率真。
断剑羞摸悬角落，藏书懒看任灰尘。
夜来入睡无多梦，一觉酣然到早晨。

狂

诗

吟